

Nemlich hab ich im 30. Capitel für mich genommen zu erklä-
ren/was der Sternebedeutten möchte. Zu erörterung diser Frag ist
von nöthten gewesen/zuvor etliche gewisse gründe zusehen / auff welliche
ich fussen möge. Deren der fürnemeſte gewesen/das ob wol der Stern
seiner Natur halbē nichts zubedeutte hette/es doch der warheit ehnlich
seye/ das Gott jne sondertraut hierzu brauche. Auff disen grund/
vnd wann nu gewiß/das es Gottes will/das wir Menschen etwas auß
newen Sternen abnehmen sollen. ist ferner die frag gewesen, was dann
für mittel darzu gehören: Vnd diß mein anderer grund gewesen / das
Gott solche newe erscheinungen richte auff die jenige vmbstende /darvō
die Menschen wissen / vnd demnach solliche vmbstende von vns zubes
trachten/vnd allegorisch außzulegen seyen. Da ich fol. 196 keine
außlegung verachten/sondern jede in ihrem werth vnd principys pas
sirn lassen wollen. Vnd ob ich wol zu anfang des Buchs bestrif
ten/das die außtheilung des Himmels in zwölff Zeichen/ vnd der Zei
chen vnter die Planeten/keinen grund in der Natur habe: Jedoch weil
einmahl das Menschliche geschlecht von den Chaldeerh hero/durch alle
Nationes biß auff vnser zeit Jhnen dise außtheilung also eingebildet:
Hab ich Fol 198 dem Leser zu bedencken heimgestellt / ob nit Gott selber/
wann schon die außtheilung nichts natürlichs/dannoch vnd nichts de
sto weniger nach deren sich richte vnd also durch die/ als durch eine den
Menschen bekande sprach oder deutung/mit jhnen den Menschen re
den wolle.

Wann nu der Leser disen grund angenommen/hab ich ihme folgend
fürgestellt der besten vnd beschaidenſten *Astrologorum* vorsagungen /
vnd erstlich einen außzug auß allen gemacht / hernach *in specie* Herrn
David Fabricium, meinen auch gutten Freund herfür gezogen / doch
mit ihme etwas zu *causirn* gehabt/vnd mich nit geschihen ihne vnd den
Leser zuerinnern/das er zu genau gehe/vnd ohne gnugsame vrsachen
den Sternen fürnemlich auff Teutschlandt ziehe.

Fürs dritte / Hab ich angezogen / was etliche fürneme Herren
auß dem vmbstand v örter genömen/an wellichen beyde Sterne Anno